


73055

4



武夷山志卷之九

東魯衷仲孺編訂

揆藻編

羊叔子登峴首云自有宇宙卽有此山武夷亦猶是也乃晉張華梁江淹唐陸長源李頎皆當代文人皆宦游建州而于所部名勝曾不聞片語及之豈率于簿書而未暇耶抑如方士所稱海上神山舟及風輒引去耶至李義山首倡紫陽繼響始有和者嗣是而連篇

累牘幾侔宛委之積，孺妄爲刪輯，其于宋元所錄略盡。今之作者所遺頗多，毋亦貴遠賤近，背實向聲而甘庸人之誚乎？

五言古詩

病中追賦游武夷

宋劉子翬

建水日夜淺，清湍自迢迢。漁舫愕已無，忽點淨練遙。  
老身寄其上，兀若棲危若。松風知我狂，隨舷助傾搖。  
探幽神益新，得快意自消。長林翠洞口，微雲粉山腰。  
那知碧虛遠，一葦臥可超。不須換吾骸，吾慵登岩峽。  
病中追餘觀，所得絕富饒。

游武夷以相期拾瑤艸分韻賦詩得瑤字

宋朱熹

一首

秋聲入庭戶，殘暑不敢驕。起趨汗漫期，兩袂正風飄。  
眷焉此家山，名號列九霄。相與一來集，曠然心朗寥。  
棲息共雲屋，追尋喚漁舫。一水屢縈迴，千峰鬱岩峽。  
蒼然大隱屏，林端聳孤標。下有雲一壑，僊人久相招。  
授我黃素書，贈我雙瓊瑤。茱萸幾時建，自此遣紛囂。

武夷精舍

神山九折溪泓沂此中半水深波浪濶浮綠春渙渙  
上有蒼石屏百仞聳雄觀嶄巖露垠堦突兀倚霄漢  
淺麓下縈迴深林久叢灌胡然闕千載逮此開一旦  
我乘星村船輟棹清艸岸榛莽喜銖鉏面勢窮考按  
居然一壞堵妙處豈輪奐左右矗奇峰躊躇極佳玩  
是時芳節闌紅綠紛有爛好鳥時時鳴王孫遠相喚  
暫游意已愜獨往身猶絆珍重含瑟人重來足幽伴

仁智堂

宋袁 樞九首

此身本無累動靜隨所寓結廬在巖谷自適山水趣

朝來挹雲氣日夕沐風露坐觀天地心詎忘仁智慮

隱求堂

本是山中人歸來山中友豈同荷蓀老永結躬耕耦  
浮雲忽出岫膚寸彌九有此志未可量見之千載後

觀善齋

出處紹前哲典刑資後生虛堂懸青鏡視者心自明  
古人不難到功用在力行緬懷朋簪盍耿耿中夜情

寒棲館

巖前風入松谷口泉漱石寫之五絃琴聲在函丈席

竹間有餘地  
管館招羽客  
靜夜絙高絃  
待月寒林陰  
晚對亭

落日鬱蒼煙  
空山轉寒碧  
石屏倚天立  
端峭一千尺  
無言獨與對  
足以永終夕  
何用向時流  
抵掌恣譚劇

鐵笛亭

當年跨鶴翁  
想是雲深處  
鑊笛忽龍吟  
萬壑披霾霧  
遙知發天秘  
踏破蒼苔路  
吹與衆僊聞  
來看晚題句

釣磯

投轄出東溟  
持竿歸九曲  
溪翁未問訊  
笑失雙鬢綠

潭邊舊釣石  
瑩滑磨青玉  
竟日謾垂綸  
忘機看鷗浴

茶竈

摘茗悅僊爨  
汲水潛虬穴  
旋然石上竈  
輕泛甌中雪  
清風已生腋  
芳味猶在舌  
何時擢孤舟  
來此分餘啜

漁艇

溪回山路斷  
月白沙汀冷  
有人掀短篷  
擊棹歌聲永  
聞之三嘆息  
渙然發深省  
歸去萬石間  
理我釣魚艇

中秋同諸子九曲泛月

宋虞 億

名山閱萬古  
明月來幾昔  
顧遊屬中秋  
萬里雲霧披

心閒境亦靜月滿山不移况茲九曲溪正漾清漣漪  
呼舟星村來十客琴觴隨此客俱不凡灑落同襟期  
胡公宗廟器崑玉不磷淄家山暫寄逸所至琴且詩  
彼美子詹子鄰處僊翁毘載酒陪後乘趣向超群兒  
藍生美風度葉侯大雅姿慶長後來秀爽氣懸兩眉  
褰裳亦從遊胡也固其師二劉踵我來狂恠肯出奇  
解衣探鷺巢脫冠簪露葵嘲謔雜歌笑往往脫衆矚  
季瑜家慢亭折蘭東溪滑居然命釣艇造席不復疑  
陶兀入醉鄉伴我老不羈臨流振衣袂颯颯罡風吹

銀盤轉崑阿兩川先渺瀰峻嶒大王峰嵌竇眇可窺  
雲駢與鳳馭來往誰可知但聞山桂香續紛落殘卮  
酒酣各言志抗論不少卑諸君愛軒冕許身臯與夔  
矯首青雲衢塵鞅甘羈縻那知涉幻境百歲黍一炊  
風波世上險日月壺中遲何如歸此山相樂從希夷  
朝霞與沆瀣火棗兼交梨晨夕當供給足以慰渴饑  
此事未易譚聳耳聽者誰洗盞酌山霧吾誓不爾欺  
天空萬籟起爲奏埴與篪

僊蛻囀

宋李仲光

畫夜本循環天地均此理人生出入機晝夜差可擬  
僊家學蟬蛻脫然如腐齒白骨尙珍藏似未忘生死  
我欲借虹橋峰頭翫秋月

大王峰

宋劉說道

八首

昇真洞

翠壁倚霄漢雲開見洞門天梯塵迹絕古函僊蛻存  
幔亭久寂寞誰復顧曾孫

靈巖

巖外天自寬巖中景如暮忽然通一線虛明亘今古  
誰欲論先天本來無一字

大隱屏

黛色張半空和雲落溪水蒼然傲今古晚對足幽意  
誰云大隱者迺復居朝市

伏羲洞

人文日已開書契由茲用雖云猶穴處豈必居此洞  
欲識太古心水流雲不動

更衣石

昔聞有群僊共浴清泠水直上千仞岡雲霞蔽其巖  
亦欲脫垢衣飄然挹僊袂

昇真觀

琳館鬱岩嶢四面俱絕壁危梯可凌雲愧我老無力  
何當求僊丹一服生羽翼

會真廟

度溪造霧境臺殿隱山曲虛堂留白雲今夕得同宿  
扁舟計已具清曉泛春綠

天柱峯

宋蔡沈五首

才既非時用性本愛岑寂決策名山游幽隱遂成癖  
春風百花紅秋月千嶂碧煙霞結綢繆猿鳥自疇昔  
乘閒撫深曠噴薄鳴鈇笛笑挹天柱峰高寒幾千尺

大隱屏

昔余隱屏東扁舟夾雙龍浩歌碧雲間萬壑生清風  
群僊幔亭宴玉女雙髻蓬夕景落寒巖照曜金芙蓉

其二

昔余隱屏西乘閒臥幽棲巖花雲端發野馬林際啼  
僊掌神所列石崖天與齊月華結清夢啁晰聞金鷄



其三

昔余隱屏南春風駐征驂開門傍水曲結屋依山嵐  
千崖互紆鬱萬峰中渾涵居然歲月深寒花露穆穆  
其四

昔余隱屏北飄然度巖側誰知神僊居自與塵世隔  
瑤艸冬更青琪花雪爭白橫玉吹寒空萬里天一色

大隱屏

宋蔡杭

脫略塵世慮僊巖共夷猶乘源得風便快楫行扁舟  
神僊現奇怪古木橫巖陬振衣萬仞高天風動衣摠  
巍巍隱屏峰擎天峙中流良朋論心事感慨悲新秋  
浩歎復浩歌一飲還一酬南陽豈終臥東山諒同憂  
斟酌素有定今焉試爲籌西方起暝色歸袂不可留  
去去惜離別後會良悠悠

紀游

宋朱大卿

開秋氣微肅天水湛相照扁舟愜幽尋層峰入奇眺  
融結幾何年指顧集群妙神僊得非幻遺蛻在巖竅  
行往求其縱恐爲識者笑獨鶴去不還山猿偶然叫  
應有採芝人凌空發長咲

架壑船

宋劉邊

僊舟等舃盪萬仞架雲表木石渾莫分風雨能不休  
恐因堯年水艤棹寄巖竇猶勝夜壑藏有力莫負走  
柰何苦海深忍袖慈航手我欲溯靈源乘槎問牛斗

送退齋熊禾歸武夷

宋蜀翁

君居建州溪我住東浙尾邂逅八壺山于今幾寒暑  
平生譚理道涉獵頗自喜考擊到精玄我膚君骨髓  
君學有根源君文有規矩才步履平實不知虛浮語  
禮廢藝倫敦數聲育數百載紫陽當日心誰復爲鼓舞

氣運未回天人力不能起終焉經久功或慰奔馳苦  
讀書要適用行過言猶耻架空累萬辭先儒已坐此  
觀君治教篇農學相資倚以茲行吾志萬物當得所  
柰何人理繆痛哉時不與君去將安之波浪更風雨  
武夷高且深擢歌聲未已朝夕足夷猶尙友朱夫子  
他年見鰲峰勢與此山擬了却未完書相逢定何許  
咏隱屏精舍

宋熊禾

我來武夷山遠意超千古嘗疑混沌開疏鑿未經禹  
峽山猶古梁洪濤奔回互行舟留大壑營巢餘斷樹

武夷山志  
琅岼波濤痕隱隱皆可覩陶然上古民要服固深阻  
秦威何桓桓薄海猶廣土六合皆湧沸一枝豈寧處  
嘗言十三君隱隱避秦侶一日壓塵寰冷然遂高舉  
上山娛賓雲下山滿豹虎神僊何渺茫虹橋想虛語  
桃源亦其類好事自誇詡風氣日已開蛇斷出真主  
遂令閩山陬盡入職方宇漢志名始彰祠堂用魚脯  
流傳世代久琳宮粲衣羽至今此名山號爲神仙府  
恭惟我遜翁辭闕厥功溥于焉卜精廬溪山九曲五  
圖書盡在是斯地儼鄒魯曾我以負笈生來茲有年數

自慚仁智心未覩高深趣斯遊亦何意會心覲真遇  
侃侃平生友惠然肯來顧携手敦夙好抗志企遐慕  
招我山杯游茲游適予素巍巍大隱屏屹屹天一柱  
前瞻晚對亭考槃固其所何當同心人相與薙榛莽  
長松期歲寒修林倚日暮我自愛此山躊躇不忍去

武夷

宋謝

章

三首

鶯花婉婉天晴空落紅雨千里賦遠遊山水無重數  
武夷天下甲清絕多竒趣名峰三十六一一拱天柱  
隔岼分西東回首時一顧孤峰自特立不肯相芻附

其二

溪流走其下縈紆溢清泚荒煙鎖寒碧晴嵐滴空翠  
曲曲深復深行行止且止

其三

嘗聞欵乃歌恍入桃源路山禽相應蒼嶺雲自吞吐  
此境非人寰蔚爲神僊所我欲深窮源白鷗沒星渚

題武夷

元曹休齋

窮冬霜風利木脫嗟石出爲山十日留散策恣捫歷  
想當混沌初締構真宰泣一一拔地起萬仞削蒼壁

壓地恐折軸撐霄疑立極崩奔獸騰拏退却馬辟易  
竦若跂鳥驚盤若潛虬蟄溪奔牛歇飲沙伏羊露脊  
醜怪夜叉猙敷腴蓮花折或圓峙高廩或銳堅墮壁  
或平若几案或俯若豆筮或散舞踟躕或歆醉傾側  
或悍忿且闢或俯拱而揖纍纍行且負蠢蠢法離立  
或瑩鮮玉明或丹流霞赤黑或若黝塗青或若翠滴  
或陷而無底或呀而或吸嵌空時響苔階磴自成級  
犬牙巧相讓虎踞勢互敵幽壑積層陰石室敞百尺  
壑深自風生洞豁無雨及高旻飛瀑瀉暗竇潛流入

霜石凍稜層水泉流窻窻山高日出蓮谷邃雲封密  
大王兀雄姿玉女皎媚質劍石斬未殊柱峰介時特  
膝石遺飛踪骨巖坐枯腊水簾垂不捲石笋斷復接  
架壑船誰棹懸崖機孰織萬點巘雨寒一綫峽天窄  
幽函鎖霧蛻高峰印僊跡山羊掛角眠林狽連臂汲  
丹藏壑夜光僊來雲晝繫奇葩不知名瑤艸可俯拾  
天鷄或鳴群遼鶴時下隻穹林松夭矯連山竹簫瑟  
緬懷幔亭宴歲月浩浩積况復桑海餘人世豈疇昔  
故應亭觀地灌莽埋芳棘佳處址空存芳逕人已空  
溪流獨不改縈紆仍九折風柔練淨涵石澁瀨微微  
湫潭窈深沈沙月明的皦默釣漁翁閑呼舟游客急  
溪口羽人居樓觀堆金碧龍井煙霞古露壇星斗濕  
廣殿覆天幡連函闕雲笈鼎紅媿龍虎室白靜巾寫  
僊茶石竈烹村酒窪樽挹聲清夜步虛子響晝爭弈  
豈不亦高閑學幻吾所闕峩峩大隱屏杳杳伏羲室  
當年住老僊微言今揭日道德有餘輝衣披向泉石  
斯人元不死清境天亦惜人境真二絕舍此更何適  
僊臺舊有名世垢病湔滌憑誰第三間客我分半席

空懷詎能果况默重歎息作賦聊冥搜徃挑如椽筆

武夷游紀

元陳觀

郵亭立溪湍上有石鼓字回顧溪水中石鼓在所寔  
移舟沂水溪前山鬱蒼翠一曲遽停橈尋真步幽邃  
洞天闔闔開殿閣儼神位秦漢紀茲山武夷君所治  
幔亭宴曾孫遐踪久已秘巍巍大王峰玉女佇立侍  
獅子西東來昂藏不敢肆我本羽衣人憇迹昇真地  
珍重李僊翁命舟行厨備溪山偕侶游討論每云蓮  
二曲頊清竒群峰互攢翠三曲多僊巘峭峙罕匹類

倚空駕舟函不腐亦不墜小泊三盃石坐玩亦清思  
石上飲三盃昔賢同一致四曲入望中繁花方嫵媚  
春光耀亭臺霧艸漸萌瑞崕陰刻字新徃徃書故事  
五曲達平林藹然千古意精舍瞻遺容豐碑誦遺記  
杏壇相因依高堂揭仁智坐令閩越中居然處洙泗  
雄哉大隱屏僊掌列其次六曲轉盼勤仰歌發長喟  
七曲著漁家碧潭富投餌八曲寂爾過樓巘無鼓吹  
窮幽造霧峰玄都矧可暨臨池數十桃道士昔手植  
感慨却回舟烹鮮侑揚觶九曲煙霞深彤庭敞宏庇

正夷山志  
三  
僊客乍譚玄主人心已醉歡言一宿留醺酣飽熟睡  
晨興復招邀具我鷄黍飼臨行意有餘醇醪饋盈器  
順流睇層巔天游行直遂捫蘿履崎嶇登陟良不易  
絕頂隱君居崇臺境殊異凭虛撫危欄重巒俱下視  
參差森欲動恍惚眩眸皆霧颺空中來竹松舞雪帔  
杖藜還高岡夷猶不忍棄何當濯塵纓永茲瓢笠寄  
歸林賦長篇聊爲斯游識

入武夷霽色可喜

元黃子肅

積雨多浮雲百川合爲一新晴落花深草逕沒竹跡  
溪風淡和柔天宇浩澄碧諸峰出雲間淨若露初拭  
遲遲策駑馬稍稍度翠碧從人不知疲佳境恣所歷  
松間古僊人燕坐松下石羽化今幾年蒼苔滿雙屐  
乾坤妙無言大小自有得爲我謝群芳春風各努力

遊武夷

元解之昂

石出水聲急木落山容寬野馬乍脫羈方知天地非  
人間既無子陵志甘老垂漁竿又無子房遇挾策干  
天顏胡爲紅塵中汨沒不復還武夫晚護入山繇壯  
士曉輿登峻關一身繫官囚半刻怡神難臨風忽長

嘯白首空悲嘆扁舟適然過渡口武夷閩越爲名山  
僊靈應喜遠客至寒泉弄玉峰垂髮猿啼鶴唳山月  
白壇高石潤天風寒人間百年如一瞬山中長夜何  
漫漫瓊津漱罷萬慮絕飄飄思入秋雲間浮世之樂  
今不足恃虛名漸逼頭生斑勸君歸去來自自有延年  
丹長生未可期聊復居塵寰呼童明朝剩載酒要窮  
九曲飛流湍僊人對飲道翁勸大家寫入圖中看圖  
中看倦歸去不須事業問平生萬里蠻煙障前路

謁萬年宮

元陳顯曾

重關啟玄闕曲磴環蒙茸何年窈窕姝捧出金芙蓉  
初陽炫光彩細溜鳴丁東虹橋跨遙漢委曲開靈宮  
初疑公孫氏問道趨崆峒又疑安期生息駕玄圃中  
世紛偶睽隔幻境隨朦朧玄踪豈難攀大化不可窮  
日月旋我戶煙霞爲我容蘊真愜所願御氣如乘駟  
綿綿葆真素投佩從群公

宿萬年宮

明李炳茂

薄暮到武夷峰色若凝黛停車步廣亭老松月長在  
樓臺俯碧嵯煙嵐倏萬態徑深歷岑寂溪暝含靄隸



同好更躋攀笙鸞可相待

謁武夷宮

明林祖恕

沈疴久羈躬及茲舍火宅出門坎壈多中路復墮落  
敬問武夷山遠追二子迹齋心屏紛翳長跪受奇筴  
真詮夙所慕霧臺非異國世界竟三千因果應八百  
願依好妙香證此塵凡格

謁九峰書院

明鄭善夫

三首

員象序興沒大道幾消沈濂伊冥契後作者紛林林  
石鼓未秦莽嵩嶽亦欽岑九峰復何如夫子重幽尋  
結架雲霞交討求松竹陰探真破衆眩集虛嗣希音  
川注理有託物化情迺任鏘鏘廣陵散寫之龍唇琴  
閉閣綴道論永爲後賢琛曰予早迷誤捷徑坐滯淫  
竊盼無窮門浩蕩糾寸心睠言摳裳衣畢志遵所欽

謁文公書院

朝汎碧浪溪夕宿隱屏下洄湍激九折溯洑以東注  
丹嵯寫霧竒怪者莫可悞豈伊神理秘諒有鬼物護  
僊術非荒唐宣聖有矩步沛流無窮門直以夫子故  
依違尙友心寥寥恐遲暮終當據昭曠睠此結桂樹

其二

竒游歷四窮茲山負霧勝翠川玉篆繞丹巘瑤花並  
浮桴臨星源僊踪煥雲柄圖經宛不爽神理杳莫竟  
緬訝開物初豈無稽天浸懷山谷就變赴坎槎交迸  
迹竒易讚揚歲深改觀聽竭來幔亭宴渺渺論神聖  
諒同武陵源去爲羸氏病梵蛻昔所非真函此須正  
所以紫陽翁不履黃庭逕遠矚悟氣機內照見真性  
永持哲士誠修身竢元命

玉女峰

明劉說道

嘉名由世想竒態實天造亭亭照綠水獨立爲誰好  
日日看游人游人還自老

泛九曲溪

明吳國倫 四首

林端日已歆心賞未云足言携武夷君泛此雲溪曲  
流藻牽微瀾鳴榔應虛谷坐愜巒氣澄竹驚練光速  
爰猱掛巖柯虹蜺飲沙麓夾水羅群峰參差三卜六  
絕巘鯨棲禽云有僊人屋僊去無還期微茫騰遺躅

其二

曲水縈山心入山轉冥漠翼舟雲欲飛依渚石爭削

武夷山志  
夕照綠陰蕪迴煙霽丹壑羽衣奏笙壑中流下玄鶴  
倏忽踰初境遠峰澹迴薄似得武陵津不淺濠梁樂  
詎知宦遊蹤飄然寄寥廓

登武夷

名山奠南隩甲觀浮雲齊上闢群僊府下纏九曲谿  
琪樹榮青林文鳥翔丹梯出沒霏露間永日恣攀躋  
金光吐霧穴真氣耿不迷何當遇籙鏗挾我霞外棲  
楚楚黃冠子抵掌譚刀圭豈其大丹訣乃托空筌蹠

其二

綠澗躋飛梁馮虛步崇殿雲林鬱以紆天柱從中奠  
煙濃玉女鬟苔繡鐵佛面歷歷排群峰朱華競蔥蒨  
豈假巨霧擘非經媧后鍊巖泉漱石脂洞草積瑤霰  
界朗神與清塗迂景忽變手調亦雉灸將爲列僊獻  
玉女峰

明耿定向

皎皎冰玉姿燦燦臨清泚屹立迴狂瀾寧逐頽波靡  
夜闌月色寒青天獨長倚分明丈夫行何如稱女氏

游武夷

明蔡汝楠

二首

羽人昔騰化丹丘畱遺筌乘吾世網暇獨往凌蒼烟

武夷山志  
縱橫標列峰紫挹禁流泉翠幄開嶂亭玄宮藏洞天  
深巘匿光晷遠江寫長源霞姿溢林蔚水色浮山妍  
方欲窮登頓仍懷歷廻沿聳巒微霄上寄顏青雲巔  
杳與朋儕絕翻令懷所憐

其二

凝望竟何已披雲上高岑日夕澹清輝冲飈襲我襟  
丹梯共迢遞靜壑連蕭森赤霄薄懸岨玄石生浮陰  
差池挹群萼啁晰聆翠禽苔泉映朝楫松月宜夜琴  
舉葉憐歲蕤駐谷眷幽沈及此山中服一改佩與簪  
因之扣哀玉清觴自盈斟

夜宿天游峰

明屠隆

百年苦拘攣九州何湫隘駕言游名山輕舸沂洄瀨  
振衣岡巒巔垂足藤蘿外人情欲怖狂吾意始愉快  
一登天游峰魂氣陡遐邁群真紛來迎衆山頽羅拜  
大地眇若拳滄海細如帶誰謂火宅鄉別有清涼界  
片石擁翠螺長松偃蒼蓋疎磬鳴殘陽罡風奏霧籟  
夜深山轉空境寂神彌汰宇曠下僊韶岕陰起光怪  
路通玉竦梁泉接銀河派鈞陳肅以低帝座儼如在

相戒無咲呼只尺聞警嗽頂禮淨焚香泠泠發梵唄  
登接笋峰  
明曹學佺  
接笋削危石衆山圍蒼屏木梯懸百級突與人面橫  
運趾逾矩度堅志防顛傾曲脈路徑寸當嵯俯深坑  
鍊纜竭攀援染汗成晶瑩絕巘度龍脊磴淺步復縈  
累險旣去逾聊憇僊弈亭喘息甫安定道心還復生  
野鳥奏深韻虛谷諧遠聲方外多法侶結廬學煉形  
僊理非虛妄思者恒蔽明巘頭有遺蛻千古猶未扁  
取証彼徃哲予以篤玄情

望接笋

明吳 棫 七首

片雨過幽谿雲物皆清發翹首見衆峰獨爾勢翠硯  
倒影在寒流半空飛蒼鶻垂岍如樹枝累石似苔髮  
翻思昨登時今始爲驚骨道人衫袖寬下自蒼茫窟  
云有四翼猿夜夜叫明月須臾霧滿裾只尺不能別  
歸從巘屋陰一飯飽薇蕨

山當庵

流泉何處來更進十餘步幽竹搖澗端群芳失前路  
鳥啼風滿裾雲隔山如霧靜言愜有得少坐多獨遇

是以守真人得地爲至務

雲窩避暑

良辰遞相失方念有斯時以我懶成性故于巖穴宜  
託身與泉石顧影在淪漪豈無皁皁懷舍此多愁思  
層巘結夏陰清蒲生夕颺赤脚踏冷碧如浴道上池  
莓苔與幽藻共此清風吹

小桃源訪劉道人

崢嶸入陷石石徑轉逾窄劃然洞門開斜光一道白  
龍湫流暗穴鳥篆繡苔額窮源有古村二三避世客  
避世非避秦棲心煉精魄春田自耕刈衣食無需索  
風動棕花落雨過藥苗摘鶯啼林木秀犬吠暮空碧  
居然衆山中遂與衆山隔坐久恐迷誤歸路認前石  
白雲洞口深似杜重來跡

雨後從山當庵投三仰峰宿

殘紅猶挂樹歸日常棲嶺巘巒幻非一雲霧變俄頃  
炊火鑽新榆山泉酌木瘦遊人懷徃勝導者移前境  
樵術久旣迴及徑峭方永踰下舒以疾躋上澁而梗  
百折未距麓千盤始及頂支峰似疊浪鋒石如積猛

臆牖瞰遠溪庭戶羅萬景陰嵯暖丹竈石洞懸天井  
契茲且托宿娟娟蘿月冷

杜轄巘遇鄉人程道士石上小酌

懸裝已際曉岡嶺亂鳴鷓企石望宿處寒露明朝瞰  
能巘結木末蛇谷盤山根天勢側嵯勢石竅開洞門  
危柯似振魄崩壁欲摧轅懷止卽沈響悲去亦延魂  
頗諳冲漠理偶與道人論旣賞虛無說復欣鄉曲言  
山簌香克厨清醕坐開尊澗鳥啼松磴藤花落槿藩  
款別意俱寂次途情彌敦山中何所贈爲我摘蘭蓀

水簾洞

終古積層岑千丈懸疊嶂匪鑿源自通不激地能浪  
巘巘洞如龕巖巖峰似嶂絲濛簷溜急濺沫鮫珠漾  
潛壑欲歌微入林雷雨壯日射光五色風吹縷萬狀  
背楹靜彌聽步苔迥逾望餘氣紛滋花薄寒思御纈  
誰告離山心惜未窮其上

接笋峰

明沈野

奄奄日未暮輕棹蕩悠悠朱亭俯綠水於下且停舟  
遵亭踰古洞石門眺泉流遂至高峰足仰視出雲浮

蠱蠱無委曲懸梯一何修撫之發高興登攀不及謀  
中峰一俯望汗出不能休屏息以定氣冥心歷上頭  
轉磴不容足股栗瞪雙眸持索作緩步數武始優游  
乃復度龍脊嶮巖真與侔因之陟玄宇微軀覺幸留  
天光纔杲杲鳥語始啾啾四顧何蒼蒼諸山游目周  
晴雲散遠晴晚煙溢中洲平生未嘗邁素心忽已酬  
吾得恒居此金丹何復求

一線天中有劉伯溫遺米

明周之夔

巨壑擘山巖含光割蒼鐵始知華藏初火精海底裂  
陰房吐白虹閃鑠同電掣仰觀但一氣綿綿焉可絕  
惟有昏旦中倒景始昭晰我循罅道間如暗獲朝徹  
摩壁爪指禿時穿或膝齧漸升至陽原頂上玄風烈  
日行大明中出昧乃復別嗟彼郁離子洞中遺米蘖  
千年委砂礫芬薌能不滅留侯曾辟穀餘糧可無設  
黃芽萌地中或虛而自結天地固浩浩至人補其缺  
雖有媧皇手息壤不可竊谷神自不死火粒誰復咽  
出入在天門抱清守雌節窈冥與昏默聊以養吾拙

小桃源

明林弘衍 二首



透迤入山路路塞山復通援木而遡澗步於巖腹中  
忽然別一境田疇多春風居民如太古農圃安成功  
桑竹相迷密煙岫圍青蔥桃源昔何似此中疑與同  
泉間與松際笑樂皆村翁於茲長日月塵世羞樊籠  
九曲  
昨訪溪上山今泛溪中水曲曲幽奇別具山水理  
挂壑有飛舟僊機無餘綺天鷄晝不鳴玄猿飲其淚  
急瀨走蒼光輕航坐驚喜澄潭倒空翠花鳥虛明裏  
顧盼戀前奇蒼黃失後美緬想抱石居應有餐霞士  
安得從之遊天地猶糠粃

水簾洞

明張于壘 二首

沿澗覓丹丘峰巒饒飽取散屐步石門古洞臨靜渚  
清音只一偶松篁振其緒忽訝晴日中翻作半山雨  
雪霰何自來霏霏滌炎暑已乃化爲煙孤飛無處所  
疑碎萬斛珠巧向簾前注此理竟何如中有不容語  
樵者徐報言飛瀑空中吐水源高且遠忽遇巖傾處  
千仞瀉層崖泠泠清洞府向東復向西乍仰時乍俯  
分合不自持倩風爲之主似喜游人來踟躕而欲舞

須臾急雨過風狂泉必怒變幻轉多姿聲光增幾許  
雨脚不敢混清濁故殊侶咸歸幽寂中宜與靜者伍  
余也識其真倚檻徒延佇安得凌白雲隨泉共輕舉

### 換骨巖

吾聞幔亭半常有至人臨十里詣巘麓巍然千丈岑  
鑿磴皆依壁聞濤多在林徑斷接丹梯白雲時見侵  
梯盡出天地縹緲若可尋度險涉小橋石室凌層陰  
俯仰渾廣厦壯麗宏且深廻視人間世萬彙生古今  
舉首天門開依依廣樂音忽逢一老翁紺珠飾其襟

囊中一丸藥神采不可任語余莫換骨先換塵凡心  
心當換爲雲寥廓自浮湛

### 水簾洞用洗少汾韻

明王漸逵

容與步丹巘逶迤轉瑤石飛聲林杪度玄韻巘端出  
霏微絕巘鳴莽蒼暗游跡蕭然獨凝佇萬慮况空寂  
初疑雨藏山遲想風生壁源泉鬼神呵淵窅洞不測  
臨流發長嘯徐響杳無極凌空散羽翰逸思敞胸臆  
衆山何纍纍俯輒失群垤日暮薄言旋簾開月虛白  
月宿天游觀

明鍾

惺  
二首

靜者夜居高觀聞自居遠奇光被形神所照皆如澗  
草樹與溪山共此煙霜晚立身僊掌上接筍峰初  
天月如逝波悠然何時返晝淺夜復深萬象戎戎短  
遠聲起一隅千山萬山滿虛衷憶忘一遭物偶興感

### 水簾洞

出山又入山原爲水簾計本以水得名却有羣峰衛  
峰立如兩雄有時揖相避削壁外無觀水源何所自  
各自成思理耻爲武夷隸觀其斷連時實亦一而二  
中劈卽徑竇紆直行幽隧天日在峽中少虧恒多蔽  
戴實或履虛置身有無際欣慨交形神俯仰失天地  
石交橋洞生往來劣得濟倏然身世寬孤高覆幽異  
微雨日邊來頭數若見託看山行人此物最所忌  
遊絲與貫珠潤氣流清霽乃知是飛瀑遠從千仞墜  
至勢反無喧聲光歸一細東西不自由分合果何意  
水風若交蘆依倚作寒吹吁嗟水一簾蓄泄高且邃  
群峰養微起落難思議

### 武夷道中感懷

明曹惟才

世路總無涯茫茫未休歇去者仍復來如彼寒暑迭

蹶蹶長安道征輪不一轍苦樂知是誰往事猶堪說  
勞人未遇時塩車曾經跌窮途抱阮愁荆山泣卞血  
豈不共風塵亦何分巧拙今以再上書甘爲五斗折  
玉亦有瑕瑜月豈無圓缺淡者吾自甘白者不虞涅  
願言慎始終知止是心訣

武夷有感示黃象九

明丘四可

勝趣以人得此理不閑山愁人觸所懷樂者因之歡  
我來心緒縈諸峰紛獻頽清溪神遠遁古木熠子顏  
顏同古木衰萬物當改觀願言同遊人深心期往還

望武夷

明劉基

飲馬九曲溪遙望武夷峰長林抱迴合丹崖造空濛  
浮暉澹寒翠水木皆曼容薄游限塵務促景尼竒蹤  
緬懷紫陽子千載誰與同瓊佩邈烟露石函闕遺封  
羈猿怨幽澗飛蘿冒芳叢瑤琴空流泉桂枝徒秋風  
恨望佳期阻纏綿憂思重殷勤尺素書願寄雲間鴻  
溪行晚眺

溪行晚眺

明鄭東白

落日步溪源遠山帶殘碧岷屋鐙火青林間探奇願  
何當抱幽思雨坐欲終夕

石壁俯幽宮玄雲日往來微雨夜時過塵襟覺初爽  
萬籟寂不聞遙聽澗泉響

### 武夷山

明張堯政

乘槎入武夷選勝得通籍山川天下無顧矚異恒格  
融結幾何年溶濬倩誰圻三十六名峯峰峰列戈戟  
滌洄溪九曲曲曲漱瓊液非經禹隨刊知共鴻濛闢  
女媧鍊未工巨壑豈能擘峻竦羣斯飛估屈潛虬蟄  
仰者昂以裁俯見拱而揖或削以爲珪或剉而成璧  
巖際閃珠熒界道流霞赤濤溜激豁訝磴嶠分層級  
官壑自風生窈洞無雨及虹橋跨銀河琳宮駕巒脊  
雄峙大王姿婉婉玉女質水簾濺鮫珠石筍依雲刺  
丹竈冷茶煙仙掌金莖積絕巘懸飛舟釣磯洒寒碧  
桃源洞可通一線欺天窄鍊遂橫空來青鸞翔或隻  
霧蛇鍊琅函仙機裂繒帛山花不識名瑤草和露摘  
芳杜榮迴瀾莓苔繡岩額香進胡麻飯子響柯山奕  
身世都蓬萊盼睐藐姑射緬維紫陽翁遠接尼山席  
來構白雲窩羅網盡名碩吾道未墜人妙理闡在昔  
雲航此問津漁然得水釋余也企之深相思肌漸瘠

承乏涖崇區簿書邀閒隙來探二子蹤筐篚載醜醜  
卧看石龕青坐對沙月白徙倚慢亭峰登陟不嫌百  
尺遊非偶然盤桓樂朝夕

武夷山志卷之九終

武夷山志卷之十

溫嶺衷仲孺編訂

七言古詩

武夷行

宋趙 抃

武夷之山千萬峰溪水詰曲流其中白鶴昂昂寫峭  
壁雕虎長嘯來清風懸嵯岈骨造化外絕壑架船神  
鬼功寒巖鼎竈失鷄犬盤石松檜騰蛟龍行行自喜  
滄塵俗蕭散玉羽超樊籠當年此日是高會左僊右  
僊曲未終紫皇飄然上天去曾孫虹橋路已窮我生

武夷山志  
丹心涵太冲欲脫韉鎖追鴻濛上邀軒轅宴玄圃手  
摘日月相遊從

游武夷

宋楊時

函關崎嶇走秦鹿天下共逐爭羣雄抉雲翻空折鰲  
足黔黎窳伏如寒蛩武夷山深水清泚避世合有高  
人蹤龍泓東注海波湧玉女翠擁秋雲鬆藏舟浮梁  
跨絕壑隱見似與天河通當時鷄犬不復見空巖依  
舊煙霞籠我來秋杪月既望尚有幽菊埋榛叢天容  
洗淨雨初霽雲幙四捲清無風掀蓬進棹窮異境注  
目想見流殘紅回船杖屨躡幽空松竹竒窅環琳宮  
翠琬溫辭耀華袞金觴大字纏蛟龍自憐病骨猶塵  
網幔亭高會何由逢解衣歸臥釣磯畔仰看明月穿  
疎蓬

寄朱晦翁

宋袁樞

丹砂九轉世莫傳羽衣婀娜飛朝天淒然風露洗塵  
世星斗一天隨轉旋空餘丹鼎在巖際夜夜虹光騰  
雲烟天遣紫陽弭絳節點石成玉公須專朝來金鎖  
開洞府丹火已灰當復然離龍坎虎玄又玄不須人

問詢謫僊黃熊跑號青兕舞爭欲舐鼎嚴笞鞭巖頭  
風高捲衣袂嘶斷玉龍雲滿川怡然上池漱瓊液鼓  
柁下濯丹溪泉雲間雙鶴儻未下招隱爲我歌長篇

武夷謾題

宋朱熹

二首

武夷之境多神僊我亦駐此臨風軒方池清夜墮碧  
月重簾白日垂洞門暗泉湧地紫波動微雨在藻金  
魚翻倚檻照影清見底柱杖卓石尋無源洗頭玉女  
去不返遺此丈八芙蓉盤溪船明月泛九曲出入紫  
翠聽潺湲便欲此地覓真隱何必商山求綺園

答袁樞

此山名自西京傳丹臺紫府天中天似聞雲鶴時降  
集應笑磨礧空回旋我來適此秋景晏青楓葉赤  
寒煙九還七返不易得千巘萬壑深能專同游幸有  
二三子天界此適非徒然梁郎季子山澤臞傳伯爰  
盍瀛洲僊相逢相得要強附却恨馬腹勞長鞭黃華  
未和白雪句畫舸且共清泠川回船罷酒且嘆息百  
歲誰復來通泉盈虛有數豈終極爲君出此窮愁篇

寄朱晦翁

宋蔡沈



武夷羣岫高崔嵬隱屏直聳天中開千尋拔地出圭  
壁坳坳萬古封蒼苔煙霞舒卷朝夕異日月晝夜東  
西迴寒流詰曲抱巖足水清沙碧真蓬萊紫清真人  
玉爲杯瓊漿酌滌葡萄酒醅醉來披雲臥松月松花點  
點飄香雪哀猿絕壁聲更長惆悵懷人逮明發

題丹樞先生艸廬

宋白玉蟾

數朶竒峰如削玉一溪秋水生寒綠幸有白雲深處  
茅兼更明月壇前竹誅茅伐竹結遠廬見成山水可  
樵漁隨緣隨分山中住收拾摩尼如意珠草廬道人  
貧徹骨一廬瀟灑空無物身中有寶不求人價大難  
酬不拈出朝朝暮暮了身心山自開花鳥自吟未見  
桑田成海水夕陽幾度鎖平林住此草廬無別術終  
日凝神惟兀兀不是十洲三島僊亦非浪花蓬萊客  
是個逍遙無事人廬中涵蓄一壺春窻前明月千年  
影枕上清風萬劫聲廬內主人那箇是古今占斷清  
閑地忽然洗面摸得鼻不飲不食亦不寐廬空人去  
烟濛濛白鶴呼雲滿碧空一瞻元始天尊面處處爲  
廬處處同有箇草廬小復小此是虛空那一竅頂頭

不掛一莖茅萬象森羅爲拱斗劫火洞然毫未盡此  
爐不壞人如舊

武夷

宋方士籙

丹崖石氣凝高秋碧溪上引天河流金堂石室不可  
到玉館莓苔生古愁僊人昔乘紫雲去白馬瑤鞭在  
何處茫茫塵世那得知幔亭空記當年事君不見茂  
陵松竹已蕭疎乾魚猶記同亭祀

武夷歌

宋王 埜

十六洞天天下奇三十六峰各武夷武夷山中溪九  
曲曲曲瀉出清漣漪溪南溪北相對立拔地挿天幾  
千尺或如丹砂丹或如碧玉碧東望開樓臺南顧儼  
城壁廩庾積其西車蓋列其北磊磊落落不可名怪  
怪奇奇神所刻草木不移寒暑心巖巒長帶煙霞色  
皇太姥武夷君幔亭峰高凌紫雲曾孫宴罷滄桑變  
長琴短鼓空紛紛魏公子張真人嗜酒一謫八百春  
功成白日生羽翼巔崖霧蛻猶如新我欲冥搜極幽  
遠棹船朝去暮忘返峰迴嶂合忽復迷安得飛梯宿  
雲巘鸞鶴去兮猿猴啼恍空中兮聞金鷄石嘴足兮

武夷山志  
濺濺風吹衣兮淒淒河泐滌折  
豁衍崔巍石堂真館  
然中開壑舟不墜棧不朽至今  
藥爐丹鼎髣髴千  
仞之層岫目亦不能盡心亦不能測  
桃源風景不復  
見柯山日月難重得  
鼓余柁今潺湲乘驚波今下前  
灘瞬息今回首失向來今嶮岈嗚呼  
列僊高拱今宅  
玄都三聖繼御今恢炎圖指斯世于  
康乂應皇家兮  
璿符臣守藩兮南國臣傾心兮北極  
山之高兮水之  
深祝吾皇兮壽千億

武夷歌

元僧斯文

太初之先杳無聞太素之後形始分  
不知何人累此  
石壁立萬仞凌青雲巖岨斜出欲墜  
墮縫罅直下將  
崩奔崑崙雖高未足數劍閣絕險難  
儔倫我疑女媧  
補天手擲下此石蟠山根又疑盤古  
分混沌截斷鰲  
足今猶存傳聞伊昔避秦日武夷僊  
客居其巔危梯  
萬疊倚絕壁仰望峻峭如登天我來  
竟欲探幽勝欲  
上不上愁攀緣神人念我意精確使  
我毛骨俱輕便  
手攀足攝不知險但覺身世空中懸  
須臾叩關造絕  
頂下視平地如深淵瓊樓玉殿自深  
邃長松瘦竹爭

清妍斗壇去天不滿尺  
僊蛻隱函經千年枯柴敗板  
掛空潤捫蘿引竹驚危巔  
投龍有洞未及到谷絕路  
斷應難前移時坐久不知去  
足下隱隱生雲烟更須  
棄此排九戶親謁玉帝叅羣僊

咏武夷

元周草庭

閩關之南甌寧東武夷峯  
嶺居其中鬱然蒼翠善巖  
化削出數仞金芙蓉渥洼  
風高奔萬馬禹門浪暖驤  
羣龍朝天獅子獻奇瑞  
口銜文筆書晴空中流頰  
覺人世隔一派真與天河  
通寥陽宮殿在何許悄聞玉

磬交金鐘虹橋宴罷緲煙霧  
太乙蓮舟人可渡晉賢  
曾引蘭亭盃漁翁笑指桃源  
路山中道人親種茶碧  
雲滿地流青霞天然丹竈  
白火候先春幻出黃金芽  
摘採未斷煙火食便覺清  
風生兩腋盧仝去後誰作  
歌霧運不來先洗屐我從  
僊山窟中來鴈山禹穴仍  
天台匡廬衡嶽曾入眼况  
復泛海看蓬萊休言足跡  
半天下爲愛此山還駐馬  
盤桓半日神骨清回視浮  
名如土苴武夷僊翁不可  
見紫陽夫子猶垂憲臨流  
盥手掬寒泉一盃聊爲名  
山薦尋真未了忽思凡始

武夷山志  
悟九曲成三三翻然拂袖下山去恍如夢覺遊邯鄲  
泛舟九曲還憇萬年宮有作 元鄧 生

扁舟十日行九曲雲山煙霞意俱足今晨回櫂幔亭  
峰復扣琳宮翫修竹琳宮仙人王子喬慣騎紫鳳騰  
青霄手持天書下瑤闕寶篆玉宇回清飈劇譚天上  
語夜半爐烟咫尺紅雲案闌干露濕星斗垂虹橋髮  
鬢圍僊幔青雲白鶴萬里心神僊豈必皆山林赤松  
雖無鐘鼎氣黃石真可羽翼任我生蹉跎已四十鍊  
硯欲穿枯黑汁波濤亦想龍化梭風雨何年雷起壑  
洞天信有換骨丹蓬萊海上三僊山明朝回首雙日  
寒安得白日生羽翰

游武夷

明龔一清

武夷之奇奇以曲武夷之曲可方舟水深潺湲經壑  
底一碧流成九折秋峩峩峯砣石百千狀一石一名僊  
侶齧曲中名山多特立迥入清冥天際頭古今詩人  
題不了樂山樂水恣優游我來六月瀑飛雪僊掌高  
擎露欲流寒圭一灣如有引乘風冷冷天關遊諸峰  
羅列匝其下下見曲水如銀鈎坐着峰頭雲掩映蓬

武夷山志  
萊五色連瀛洲嗟呼封禪七十二秦皇漢帝海外求  
大王峰觀僊蛻  
明陳鳴鶴

孤峰拔地何危哉鳥道千盤心欲摧騰身絕頂覽八  
極洞門却倚青冥開金蟾黃鶴已陳迹蛻骨遺骸閉  
巖隙春樹年年長綠陰玄猿夜夜啼寒碧旣云拔宅  
升九天何事人間藏朽魄君不見桃李飛花滿四鄰  
枝葉秋來伐作薪又不見加邊拜舞迎芻狗明日道  
傍棄如帚人生自有不壞身裹血皮囊豈長守者君  
腐骨寄嵯峨幾見桑田起白波一朝天地有歸盡金

樽玉函柰爾何

泛舟九曲放歌

明康彥登

武夷之山何崔嵬武夷之水相滌洞世人披圖得其  
槩安知神僊窟宅之奇如此哉我今泛棹沂九曲匝  
月登臨歡不足呼吸應知帝座通豁舒直訝神工劖  
大王絕巘丹梯橫玉女連雲彩幄生桃源花逐漁郎  
去蓮石峰裁僊掌平洞天名居三十六福宅靈臯鎮  
南服霍童大姥難與伯仲稱俯視石鼓鯉湖諸區真  
一掬遊人若個是僊才鼓枻中流思轉哀瓊輪白馬

空霄漢玉昇丹爐鎖綠苔浮生局促同蝸角長夜漫  
漫誰獨覺紅日西馳挽不回白歲誰人肯行樂酌君  
酒爲君歌武夷十載幾經過仰天朗詠游山曲世路  
升沈竟若何

武夷行

明蘇 鉅

憶到名山二十年重游風景尙依然三三秀水清於  
玉六六奇峰翠插天幔亭諸峰總竒絕信哉天造而  
地設蘭舟穿破水中雲金鷄叫起山頭月捫蘿直上  
天柱峰碧幃丹崖深幾重蜿蜒磅礴鬱佳氣聞之古

昔多僊蹤僊人樓臺入煙霧登覽曾遊林下路鑿箇  
道人呼不來玉蟾僊子歸何處遊一曲止止庵中絕  
塵俗遊二曲玉女峰高倚雲綠游三曲三杯石上傾  
醕醪遊四曲釣魚臺上依林麓游五曲中有文公讀  
書屋游六曲僊掌天游勝天竺游七曲彷彿桃源入  
僊谷遊八曲鼓樓巖洞留雲宿游九曲一帶平川清  
可掬青鞵布襪喜追游一線天中景最幽幾年有約  
不可到今日素願方可酬我欲尋僊學僊好白髮蒼  
頭今已老若爲借得麻姑鵬騎出峰頭拾瑤草

游武夷

明吳擴

昔登華頂峰飛梁亘絕如青虹捫參夜半瞰海日雲  
煙變幻蓬萊宮竦身入馬蕩龍泓際天濯漭沆乘風  
長嘯金霞端萬壑千巖遍清響竭來尋武夷試躡青  
雲梯崩崖絕壁幾千丈空中恍佛聞天鷄神僊蛻化  
世已遠秦人洞口桃花迷洪濤觸山地軸折九曲奔  
騰霧氣泄兩兩遺舟絕壑間究竟寧非鬼丁設陟層  
巔今日眩狎凌波兮僊媛穿窈窕兮谿衍眇天光兮  
一線扣雲扃今天忽開銀河迸瀉轟晴雷虎嘯熊咆  
川谷應坐俯夕景更徘徊塵世流光疾如矢齷齪浮  
榮何足擬寄跡煙波隱姓名狂奴懶揖漢天子物外  
逍遙養性靈吾生元是少微星群真鶴馭知何處此  
日重來醉幔亭

武夷山歌

明宋儀望

予昔乘白鹿去上匡廬上瀑布濺沫幾千丈日與五  
老相追攀西行人嵩華少室採三花直上蓮峰凌絕  
景側身東望徒咨嗟武夷何岩巖遐眺赤城標青鳥  
忽東來持書遠相招竭來出閩粵坐嘆生白髮一朝



武夷山志  
解組入武夷九曲溪頭棹歌發昔年夢入桃花源青  
山夾岸凌潺湲茲遊彷彿來時路翠壁丹梯歷可捫  
烟霞咫尺互明滅粧鏡臺臨玉女側大王峰下幔亭  
雲帝子不來日西沒遐想列僊得道時霞裾雲珮來  
何遲丹成竈冷空蛻骨金鷄一去令人悲興來上踏  
天游峰衣裳拂拂吹天風僊巖竊窟不可尋隱屏天  
柱何巉巖休歌嵩華行忘却匡廬夢遙看幔亭雲化  
作昇玄洞悵僊子兮雲間望佳人兮霜鬢凌蒼波兮  
漣漪坐釣磯兮盤桓人世流光疾如電富貴聲名何  
足羨遨遊五嶽心未已安能役役低頭面噫嘻吁茲  
山巖嶭高幾重烟霞熠熠霧光宮焚香禮拜武夷君  
來遊下界挾兩童邀我撲肩遊鴻濛仰看赫奕天門  
通長跪受書永相從下視濁世何異蟻蝨處禪中

長歌行

明陳堯典

武夷山水天下奇三十六峯連逶迤溪流九曲瀉雲  
液山色倒浸清漣漪我我來直欲窮幽賞溪口扁舟  
初蕩槳舷扣中流發棹歌滄浪洗耳聞餘響舟行一  
曲沂僊踪遙看天外幔亭峰昔日神僊歌舞地千秋

明月照晴空二曲娟娟凌玉女  
隔花臨水媚無語  
僊風道骨丹已成不向陽臺夢雲雨  
三曲雲深景象幽懸崖絕壑架僊舟  
我欲借之渡銀漢去拾支機問女  
牛絲繞沿流過四曲天柱前川削寒玉  
何處臨風吹落杵鏤笛一聲溪水綠  
五曲隱屏列上方雲烟燦爛昇天章  
中有幽人構巖宇權歌款乃春風香  
停舟六曲看僊掌荒唐真偽勞神想  
莫是僊人擎露回凌雲咲拍蒼崖上  
七曲滌澗深更深巖頭松竹晝常陰  
飄飄不盡窮源興扁舟還問桃花溇  
八曲山川人冥眇祇有幽花伴啼鳥  
至此令人萬慮消飛僊欲挾游雲表  
九曲烟霞眼界開源頭滾滾自天來  
碧水丹山開畫裏何須浮海覓蓬萊  
十年夢裏今親見千壑萬巖俱遊遍  
祠下樞衣拜紫陽輝光始識真儒面  
高山仰止凌蒼烟獨立危樓思悄然  
闌干徙倚日將暮翻笑王維畫輞川

武夷泛舟次國學朱士望韻

明藍

誠

二首

春風吹船泛中流千巖萬壑開滄洲  
空林濕翠散晴旭絕頂爽氣生清秋  
皇華咨訪成幽趣山水蒼蒼遠

參互鷗起如鷺使節來猿啼似怨山人去隱屏峰下  
五曲濱空與野鹿山麋僂杖藜或可共避世拂衣誰  
是真知津羽人結屋雲邊住回首人間障塵霧半夜  
松聲遠浦濤終朝嵐氣前峰雨金鷄啼月響僂機四  
海秋風豈不知乘槎往欲問織女機杼常空終是疑  
霧芝僂艸迷荒麓盡日盈擔采新綠興盡重尋洞口  
門詩成尚憶山中宿清溪從此別漁樵六翮仍看上  
九霄歸朝應傍薇花立在野難歌桂樹招故人張籍  
同館舍倘問山林衰病者食力非邀谷口名灰心已

入廬山社

題清江碧嶂集追懷清碧先生

山中之人號雲壑落日題詩寄谿閣示我清江碧嶂  
詩開卷清風蒲寥廓憶昨先生林下居黃花化翠竹臨  
階除平生不受天子祿老向名山空著書十年死別  
如朝莫一望孤墳淚如雨往事悠悠歎逝川遺編零  
落俱塵土江湖老舊晚更稀此卷乃出幽人爲細畫  
深刻不易得短咏長歌勞我思范楊虞揭名當代猶  
敬先生師法在祇今餘子徒紛紛敢以涓流敵滄海

清廟之瑟朱絲絃九臯鶴唳聲清圓波濤萬頃注三  
峽魑魅九鼎傳千年吁嗟古人多泯沒一字流傳亦  
寥濶高情古調人莫知夜久長松轉霜月

贈武夷魏士達

明藍 智 三首

武夷山水天下無層巒疊障皆畫圖山水積翠開宮  
殿石壁虹光夜如電鸞鳳常驂神姥遊猿猴共醉曾  
孫宴洞中別有昇真天瓊林遺蛻如枯蟬露盤僊掌  
千年藥春水桃花九曲船萬仞岡頭羽衣客更入三  
山采真訣神遊不計海天遊夢竟長懷山月白歸來

高隱萬年宮天香時降雙清童道叅元始鴻濛外身  
寄虛空象緯中嗟予夙慕烟霞侶天遣空山作詩苦  
清歌曾繞幔亭雲凍筆空題艸堂雨金丹擬就玉蟾  
分木葉西風鐵笛聞野老只知堯舜世樵夫或遇武  
夷君黃塵白髮悲年暮回首蓬萊更何處病容豈是  
學僊才儒術元非濟時具余侯留滯海南居鴻鴈來  
時一寄書期君天柱隱屏北共斲黃精煮山雪

爲丁知事賦平林精舍

九曲群峰若奔馬五曲平林古精舍俎豆弦歌晝寂

寥白雲紅樹秋瀟灑空山不見紫陽僊石門鐵笛風  
冷然白髮何年化黃鶴六經如日行青天高人佐政  
建安幕幙府時時夢丘壑谿山三日酒杯深風雨孤  
舟客衣薄新圖山色烟霧重松林數客茆茨空漁樵  
尚想唐虞世揖讓僅餘鄒魯風我亦中林飯牛者白  
石歌長怨清夜道南立雪豈無人谿上看雲空對盡  
肩輿過我索題詩堦前黃菊霜離披今人家寥寥古人  
遠山水空勞千載思

題程芳遠所得方方壺寫大王峰圖

魏王煉丹武夷頂石洞千年松檜冷憑虛樓閣散虹  
光積翠峰巒蕩雲影狂歌披髮有金公會共方壺隱  
此中半夜神龍問丹訣西風一鶴度遼東方壺愛山  
不得住西入僊巖種琪樹尋常一筆掃雲烟三十六  
峰在庭戶鵝湖之水春茫茫梅林獨客人還鄉壺中  
點染出小米谿上嵯峨懷大王我昔曾陪幔亭宴別  
來歲月如飛電王母青鸞夜不歸神君白馬秋難見  
金蟾谷口久相期鐵笛巖前謾一吹錦浪芙蓉晴滉  
瀟翠屏茆屋晚參差洞門鐵鎖蒼苔靜芝艸琅玕蒲

幽逕黃金大藥鼎煙微白木長鏡山雪盛更約幽人  
把釣過扁舟白髮弄清波鐺郎載酒題春雨九曲桃  
花日莫多

百花庄

明王應槐

桃花紅李花白春到般般闔顏色洞中僊王宴群僊  
管領東風吹不得三十六峰何處村武夷便是武陵  
源欲尋漁父無舟路惟見桃花開蒲園憶昔洛陽買  
花人姚黃魏紫總皆春車馬紛紛爭富貴何如棲隱  
曲溪濱曲溪傳說多僊子不愛繁華植桃李羅浮擎  
得一枝來種向僊家白雲裏先春壓倒百花庄笑殺  
人間紅與紫

大王峰觀僊蛻

明徐 勳

武夷山高高接天武夷溪清清且鮮三十六峰九曲  
水魏王曾此朝群僊大宴曾孫羅彩屋奏罷人間可  
哀曲鳳管龍笙杳不聞浮生一夢成蕉鹿大王峰勢  
何歸哉丹梯百折通崔嵬僊人一去不復返蛻骨千  
年猶未灰區區遺蛻成何用密閉虛巖秘深洞滄海  
桑田忽變更玉函金樞應移動惟有當年身外身金

丹一粒能千春長生自古無  
霧藥不死元來有谷神  
吾生本是朝元客暫謫塵緣迷火宅  
白雪時時灑玉樓丹爐夜夜流金液  
借假修真煉九還更從一竅覓  
玄關返將神氣虛無裏拋却骷髏  
天地間君不見海上三山高拱峙  
爭傳此地鍾靈闕徐福尋真去不歸  
方知不在神山裏又不見西方王母下瑤池  
青鳥傳書降節隨集霧臺上無消息  
始信僊真非在茲世人莫嘆僊凡隔凡人皆可登  
僊籍勿點硃砂與水銀休行運氣兼調息  
迴望山川故宛然更期此處上昇天

一朝粉碎虛空後玄化班聯十四僊

大王峰觀僊蛻

明曹學佺

大王峰頂神僊儔假借修真春復秋  
丹成四體生羽翼坐解遺蛻畱高丘  
雷文甍甍列有五盛得肢骸傳自古  
黃心木棧相縱橫躡步開緘恣瞻覩  
髮如青絲齒如銀形容名姓難重陳  
白日青天淼茫世十洲何處尋主人  
主人一去不復返朝遊蓬瀛夕闋苑  
天地萬法盡銷磨元氣終須歸混沌  
君不見華堂飲宴樂未央明朝送入清  
坵傍鴟梟虫蟻兩睥睨曲房舞席

空分香又不見壯士志氣凌封侯長城骸骨無人收  
血汗河邊赤百里隴水爲之咽不流人生沉迷悟不  
早碌碌安能聞至道朝揮玉塵語玄珠夜執牙籌棄  
霧寶短世原無千百年如駒過隙復加鞭咲彼揮戈  
駐殘景扶桑之日入虞淵

同諸子泛舟九曲

明丘雲霄

武夷溪水清如玉九曲縈紆抱山足中有高人時濯  
纓携風釣月坐雲禱朝移鍊板嶂前舟暮向金鷄潭  
上浴幔亭僊去幻虹橋天柱風寒壓地軸茶竈烟消

石髓融鼓樓月送霓裳曲巖際間窺一字天洞口時  
逢七星鹿山隨雲轉千萬重影弄寒江三十六漁歌  
欸乃度星村鶴羽徘徊感風燭乾坤自悟意自閒煙  
波滿棹書滿束輿來一掃詩百篇夢遶千峰豁雙目  
止庵舊結九溪隣衡門長掩三秋菊相過痛飲盡逡  
巡共上漁磯臥亭毒莫教紅雨暗秦源好爲蒼生謝  
空谷明年早副鼎調梅他日同歸理釣竹

新安方無遷遇予武夷期爲九曲之游以雨返  
復作歌訂之

明丘四可



方君天都蓮花拔峰之奇麗武夷因而流連雲霧隱  
其勢眾峰相愧不磊落奇者深爲凡者計大地偏區  
君其平等觀靈頑不形山心安風日少焉助清美盛  
雲濃霧越江干品藻文章發古趣五曲佳處遶層巒  
前有蘇公好山水識出石鐘夜已闌今君未至山霧  
仰立石心期呼作文一至溪頭動輝光曲曲峰峰生  
不在古今情態盡如然卽君遇予宜作看山想

### 五芝歌

明茶 僊

鶴自五齡時 家君子口授此歌數過輒成  
誦今藏腹笥幾五十年矣始筆而付之剞劂  
九原可作茶僊亦  
以予爲知言否

參天而有水木土兩地而有火與金參天兩地生五  
行是五行也在天則爲五星在地則爲五嶽人得之  
則爲五老物得之則爲五草嗶嗶五星不可吞五嶽  
祇可登嗟此五老人如此五老何如生五草之艸何  
如艸白不是蘋紅非蓼麒麟之獸鳳之鳥何處討雲  
又深石又冷曾有野人見幾本將謂是黃精又恐是  
勾吻神農啖曰此五者金玉玄青赤芝也五嶽一山  
而一老五老一人而一艸五老日以是爲食鶴髮童

顏老天地外有商山別一交園黃綺角公公之四此  
四公極皓首紫芝可入口紫芝可入口君乎君乎誰  
家兒當此青春黎髮時不讀書來不磨劍日日山中  
歌五芝五芝園五芝亭五芝山人五芝五芝何處來  
五芝五芝何心哉我想武夷山之溪天開黃河九曲  
圖泰山東天柱衡山南天柱華山西天遊嵩山中天  
壺恒山北天心而謂不有五芝乎君知茶洞幾茶君  
知竹洞幾竹君知桃源洞幾桃曰人各有所欲五更  
聽得金鷄啼足繫芒手扶藜入山陣陣香風微甘露

濕人衣採之東採之東芝正青採之南採之南紅欲  
深採之北採之北芝正黑採芝人把三芝吞吞煙吞  
霞吞翰墨東山採採玉西山採採金金芝玉芝滿兩  
袖金可八兩玉半觔動作鏗鏗鏘鏘聲採罷歸來行  
且急窺尾秃芒耳缺人影在地見明月燈下看所得  
昨日採芝芝有幾滿屈指攢龍頭露鳳尾在小園裏  
今日採芝芝有幾滿屈指攢龍頭露鳳尾在小亭裏  
鑽鑿九宮八卦玄五行亦可喜梧桐火金井水五芝  
卽是我家美曉來養之昇日處金鷄一啄忽鳳去輒

以天下五嶽春歸之一人之五臟仰天向日一長吁  
五色虹霓長萬丈比未嘗以語人也惟許其兄知之  
每到清風明月下伯仲兩個吹埙篪時也桃花落紅  
雨霏微時依白鶴羽黃冠者黃童兒風乎風洞浴浴  
池羊腸歸咏五芝詩我來踏着君來路而與君邂逅  
拉我飯我以五芝且以一芝入我袖五芝歌五芝歌  
我愧一蘭何七松三槐及五柳有有有但欲覓一紫  
芝老但欲覓一紫芝老也少我也曾抱五絃琴五湖  
水五陵雲那見五芝人哎我今亦愛五芝好我今亦  
愛五芝好千年萬年雪滿頭我與四皓爲五老

張仙巖

遺脫千年事已換高巖斜倚峰之半諸山夾水水皆  
飛絕磴梯雲雲不斷金蟾白鶴鳥聲餘石篋猶存玉  
簡書夢中偶記曾遊偏便向巘頭訪故居

答衷稗生貽武夷圖歌

明張堯政

武夷多名峰峰峯俱奇絕雨刷煙磨千百秋插雲拔  
地排空列嵯峨磅礴靈氣旋蛟函羽化多神仙丹梯  
絕壑窈無際壁立萬仞疑蒼煙洄溪奔觸地軸折顧

正史山志  
三  
盼渾疑鬼丁設封濬非由神禹功崑崙崙孩破鴻濛泄  
紫霞結幄玉爲臺琉璃膚貌珊瑚胚琪花霧草各異  
色瑤樹千重繡錦栽蘿垂薜墮披古碣禾爐竈火青  
林樾螭龍卧老碧潭溪紫簫吹滿峰頭月虹橋幻出  
造化工竈從恍與銀河通巖深洞窅不知處但見野  
鶴盤虬松大隱屏列曾孫宴二子丰容時一見笙管  
鏗鏘靜處聞三盃隱向空中奠津口桃花幾樹芳姍  
姍太姥乘雲翔紅韁白馬驅絕頂頡頏霞珮鳴徜徉  
十三仙侶比肩起一瞬千年差足擬從來柯山日月  
長春秋八千壺天裏幾度登臨轉自猜塵容俗狀走  
如駮妄轡來轅停幾許林慚澗媿留芬埃朱子當年  
真絕唱芟菲雲構憑仙仗山靈一時有起色川輝澤  
媚非恒相嗟予拙吏似緣慳屐遜東山步尚艱但餘  
繁劇勞芸案獨詘高情對好山穉生貽我圖一帙丹  
嶠碧巖如或躡瞪目披圖縱卧遊六六三三宛相接  
三六雲肩鎮日開游踪問有幾人來却嫌漢使槎多  
誤訪道必欲求蓬萊何年卜築武夷側芒屨竹杖探  
金筴鐵笛吹殘萬壑秋坐看石潭寒一碧山空水靜

武夷山志  
雲滿川疎風冷雨伴潺湲仙人控鶴復何處芳草年  
年青可憐

重遊武夷

明王彥度

女星夜墮建州北化爲奇峰千萬尺大王峯高倚玉  
清幔亭如幄富仙迹繪鶴青田色不渝投龍玉簡神  
時格群山倒影入九溪星辰搖蕩日月射白雲封鎖  
瓊瑤寒紫霞燒成珊瑚赤靈湫瀑布自天來洪濤洶  
湧山疑壁素虬透挾白鷺翔金鉦擊動銀河坼雲璈  
象管度群真霓衣風馬紛絡繹我來重遊意倍狂寒

裳欲掬芙蓉液霞外雲梯手自攀烟中鴻駕身相逆  
天鷄啼日起半巘神虎驅飈扶兩腋豐隆指點最高  
嶺白榆歷歷觸人額金銀臺殿洞天開下視濁世猶  
逼窄從來富貴東流水惟有青山萬古宅一步一顧  
一嘆息恨不誅茅老此澤西湖盃水山拳石安得長  
沒男兒跡

武夷山志卷之十終

正史

一



